

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Specimen Inaugurale Academicum, Sistens Luem
Animarum Boehmisticam, ubi ostenditur, quanto cum
animarum periculo Jacobi Boehmii, Sutoris Görlizensis,
scripta planè fanatica vel amentur & legantur, ...**

Wild, Adam

Altdorfii, 1705

§. V

urn:nbn:de:bsz:31-105875

patientiâ opus fuit, ob ampullata & famosa, ad fastum, non ad intellectum, contorta, hominis verba, quantâ vix opus est venatori, dum sub Fove frigido seras vestigat & indagat, ut subinde è π' euâ in eorum lectione dixerim, quod nonnullus Ecclesie Patrum ad Persum, à se lectum, dixisse fertur: Cur scribis, si non vis intelligi?

§. V. Scatent (a) *Bœhmiana* scripta infinitis locutionibus, quæ primore statim intuitu errorem præferunt, ipsaque illorum verba ac loquendi ratio suâ naturâ ac indole non potest non in errorem & deliria inducere. Adducuntur verba in dem Send-schreiben pag. 11. *So ich schreibe, ait Bœhmus, dictirt mir es der Geist in grosser wunderbahrlicher Erkântniß / daß ich offit nicht weiß / ob ich nach meinem Geist in der Welt bin; & pag. 91. Die Kunst hat nicht geschrieben / es hat auch kein Zeit gehabt zu bedencken / nach dem rechten Verstand des Buchstabens / sondern alles nach dem Geist gerichtet / welches öftters ist in Eil gegangen / daß dem Schreiber die Hand wegen der Ungewohnheit gezittert. En Enthusiasmum, immediatam εὐαγγελίου jactitantem! quamquam de infallibili spe novarum revelationum, occasione illarum, quas suggesserit DEUS illi virgini, Rosmunde ab Aseburg, tot tantaque multi conscripserint scripta, nec diffiteri possit quisquam, credidisse quosdam Theologos Lutheranos, novas hodie dari à DEO, cum quoad prædictionem rerum futurarum, tum quoad uberiolem lucem rebus, in Scripturâ revelatis, affundendam, revelationes immediatas; cæteri tamen omnes, extra omnem heterodoxiæ suspensionem positi, veteri inhæserunt doctrinæ, quæ omnem hujus rei auferre adlaborat difficultatem, adhibitis duabus distinctionibus, quarum primâ ostendit esse revelationes doctrinales, hoc est, quibus vel nova dogmata revelentur, vel in Scripturâ revelata uberiori luce illustrentur; alias deinde revelationes de eventibus & fatiis, sive in Ecclesiâ, sive in politiâ, futuris; illas hodiernum dari, clauso Canone, simpliciter*

Scripta
Bœhmiana
infinitarum
locutionum
plena sunt,
quæ suâ natura
in errorem inducunt,
& immediatam
spirant
illuminationem.

placiter negatur : has ut quilibet rectè intelligat, nec offensio-
nem capiat, altera quoque adponitur distinctio, quæ revelatio-
nes, ex pleno lumine prophetico & officio, à DEO immediatè
imposito, proficiscentes, quales hodie non dari, adversus *D. Ja-
cob. Fabricium*, hætenus constanter defensum est, divellit à stri-
cturis & scintillulis tenuibus & transeuntibus luminis prophetici,
quas in Ecclesiâ nostrâ quodammodo admitti, edocet prophetia
Hlitenii, in *Apol. Aug. Conf. pag. 276. & seq.* memorata & lau-
data.

Linguarum
exoticarum
humilata, mi-
nimùm non
laudanda
Böhmii sci-
entia.

§. VI. Quid aliud (β) prædit testimonium *Davidis* von
Schweinitz/Capitanei Lignicensis, ap. *Calovium p. 4.* Er (Böhm)
wusste auch alles / ob wir gleich Lateinisch / oder Französisch redeten /
was wir geredet hatten : sagte auch / wir möchten reden / in was vor
Sprache wir wolten / er würde es dennoch verstehen ? Quid aliud,
quàm si *Böhmio*, ut aliis mitius judicem, talis tantaque lux, quæ
olim, cum Ecclesiâ esset plantanda, miraculoso modo Aposto-
los, virosque Apostolicos, instruebat, *Act. II. 1. 2. & seqq.* affullis-
set, nec sacræ literæ penitus tacerent, fore, ut talis sub finem
mundi exsurgèret magnus Propheta, crederem ? Cùm verò
Omniscius demandet, ut sibi quisque caveat, ne à falsis, qui magno
numero exeant, ut mentes humanas decipiant, prophetis à Chri-
sto, ejusque sanâ doctrinâ, seducatur, quo in gravissimum, pretioso
Salvatoris sanguine redemptam, animam suam præcipitent peri-
eulum, μή παντί πνεύματι πιστεύετε, ἀλλὰ δοκιμάζετε τὰ πνεύ-
ματα, εἰ ἢ ἐκ τοῦ θεοῦ εἰσὶν; additâ ratione, οἱ πολλοὶ ψευδοπρο-
φήται ἐξηλεύθησαν εἰς τὸν κόσμον, admonet fideliter *Johannes*.
1. Epist. IV. 1. *Paulus*, gentium Doctor, contra vim ἀνθρωπο-
κτόνου manum extendere jubet, ἐδόξασαυ την παιοπλίαν ἐ θεῶ
πρὸς τὸ δύνασθαι εἶναι πρὸς τὰς μεθοδείας ἐ διαβόλου, Eph. VI. 11.
in Angelum lucis quandoque sese transformantis. Non sequi-
tur, quicquid linguis exoticis, antea nunquam vel cognitis, vel
lectis,